

կատի մաս մը 40 մէթր տարածութեամբ: Մատենադարանը ունի նաև 50ական մէթրնոց երկու մեծ սենեակներ: Իր փառաւոր մուտքէն զատ, սոյն մուտքին երկու կողմերը կան երկու սենեակներ: Միւզէի մասը ունի, շէնքին գետնայարկին մէջ 70 քառ. մէթր տարածութեամբ սենեակ մը, և վերնայարկը ունի թէ նման տարածութեամբ սենեակ մը՝ 70 քառ. մէթր տարածութեամբ և թէ անոր կից յաւելուածական սենեակ մը՝ 24 քառ. մէթր տարածութեամբ: Մատենադարանը ունի տանիքին վրայ սեփոյի սենեակ մը: Երկրորդ յարկին մէջտեղի մասը բաց է, որպէս զի գետնայարկի ընթերցասրահի ձեղունը մինչև տանիք բարձրանայ: Այս տանիքը ունի տպակեայ լուսամուտներ:

Մատենադարանի շէնքին բարձրութիւնն է, երկու յարկերուն համար 9 մէթր: Եթէ այս բարձրութիւն հաշուուի տանիքի վրայի սենեակէն՝ կ'ըլլայ 13 մէթր:

Նպատակի յարմար հոյակապ և հանգստաւէտ շէնք մը եղած է նորաշէն Մատենադարանը, որուն ճակատը՝ զրօսի կողմէն՝ զետեղուած է հետեւեալ յիշատակարանը.

«Դարուս Կիւրպիկեան կառոյց զՄատենադարան Առաքելական Սրբոյ Աթոռոյս, վասն անմոռաց յիշատակի հօր իւրոյ եւ մօր Սարգիս եւ Տիրուհոյ Կիւրպիկեան. ի մեծարան Յոբելէինի Յիսնամեայ Քահանայութեան Տեսու Նիյոշայ Ս. Արխայսկոպոսի Դուռեան, Պատրիարքին Հայոց Սրբոյ Երուսաղէմի. ՌՅՀԹ=1929»:

Ի մօտոյ այս նորաշէն Մատենադարանը պիտի փոխադրուին Պատրիարքարանի մէջ մթերուած այն 5000ի մօտ այլ և այլ ձեւ գերու վերաբերեալ հայերէն, ֆրանսերէն, անգլիերէն և գերմաներէն արժէքաւոր գիրքերը որոնց մէկ մասը հոգելոյս պատրիարքը իբր իր անձնական գիրքերը Պօլսէն Երուսաղէմ Ս. Յակոբ փոխադրած էր, և միւս մասն ալ իր միջոցաւ ու խնամքով իր պատրիարքութեան շրջանին մօտը հաւաքած էր:

Դ. Ժառ. Վարժարան. — Նորահաս աշակերտներու պատրաստութիւնը երբեք պակաս չէ կրցած ըլլալ Ս. Աթոռին մէջ, թէպէտև վարժարանի յատկացեալ մասնաւոր շինութեան մը հին յիշատակը չենք գտներ աւանդութեանց մէջ: Այդ պակասը կը վերագրենք հին ատեններ սովորական եղող ձևին, երբ կըրթուի թիւնը ոչ թէ դասարանական համախումբ ձեւի ներքև կը